

Yeshua un Israelita; ta nos Lus!!!

SEÑOR a bisa Moises: ‘Bisa **Aaron** pone e **shete Lampinan** di tal manera riba e **Kandelar**, ku e **Lus** ta tira pa **parti dilanti**.’ (**Numbernan 8:1-2**). **SEÑOR ta mi Lus i Salbashon**, di ken lo mi **tin miedu**? **SEÑOR ta Fortalesa di mi Bida**, pa ken lo mi **tembla**? (**Salmo 27:1**).

For di den e Lei tabata tin skirbi di é **Lus** i asina tambe e **Profetanan** ta papia di é **Lus**. (**Mateo 5:17**).

Yeshua un Israelita; ta nos Lus!!!

Esun ku ta **praktiká Bèrdat** ta serka di e **Lus**, pa e **Lus** mustra ku e **hende** akí a **aktua** di akuerdo ku **Boluntat di Dios**. (**Juan 3:21**). Durante **Fiesta di Ramada Esun Ungi a bolbe dirigí palabra** na e **hendenan**: ‘**Ami ta é Lus pa mundu**. Esun ku **sigui Mi** no ta kana nunca **den skuridat**, ma l'e **tin Lus** ku ta **duna Bida**.’ (**Juan 8:12**).

Yeshua un Israelita; ta nos Lus!!!

Meskos ku **SEÑOR a bisa Moises:** “ku e **Lus** ta tira **pa parti dilanti**,” asina tambe **Yeshua a bisa** ku **niun hende no ta sende un Lampi** pa despues pon'é **bou di un hèmber**, ma ta pon'é riba un **Standart pa Lusa** tur hende **den kas**. (**Mateo 5:15**). Meskos **Yeshua a jama abo Lus pa mundu**. (**Mateo 5:14**).

Yeshua un Israelita; ta nos Lus!!!

Awor aki den 2021 abo ta puntra abo mes kon e **Lus di Yeshua; Esun Ungi** por bira **visibel** den **abo su Bida**?

E Lus ta bira visibel den **abo su Bida** dor di **abo su Aktitut** riba **mundu**, anto **abo su Aktitut ta mara** na **abo su Karakter**. Anto **abo su Karakter ta wordu fòrma** dor di e **sufrimentu** ku **abo ta pasa aden**, pasobra **abo su sufrimentu ta duna abo kapasidat pa Perseverá**. **Perseveransia** ta hasi **abo un hende ku un Karakter aprobá pa Dios**. (**Romanonan 5:3-4**).

E Lus ta bira visibel den **abo su Bida** dor di **abo su Perseveransia** den **sufrimentu**, meskos ku **Yeshua a sufri** riba e **mundu** aki i a **Perseverá**. (**Marko 8:31**). **Abo su Lus ta bin Bría** dor di **kon abo ta trata otro hende** den **tur kos**, den **tur situashon**, meskos **ku abo ke pa nan trata abo**. Pasobra esaki ta **henter e Nifikashon di loke e Lei i e Profetanan ta siña**. (**Mateo 7:12**).

E Lus ta bira visibel den **abo su Bida** dor di **abo su Amor** pa **bo próhimo** den tur kos. Trata **bo próhimo** manera **abo ke pa nan trata abo**. **Si abo ta Stima** solamente hende ku ta **Stima abo**, **ki danki abo meresé? Pekadónan** tambe ta **Stima** esnan ku ta **Stima nan**. (**Lukas 6:31-32**). Laga e **Lus** den **abo su Bida** hasi manera **Esun Ungi a bisa:** “**No husga i Dios lo no husga abo; no kondená i Dios lo no kondená abo. Pordoná i Dios lo Pordoná abo. Duna i Dios lo duna abo; un Bon midí, Bon primí, Bon sakudí**, ku ta **Basha Over**, lo kai den **bo skochi**. Pasobra ku e **midí** ku **abo midi otro hende**, ku e mesun **midí ei Dios lo midi abo**.” (**Lukas 6:37-38**).

6 yüni 2021

Sea Bendishoná ku e **Amor di Dios Tata; Yeshua Mesias**
Un Fiel Sirbidó di Dios,
Remsly L Riley.